

## PLAN PREDIZBORNOG PROGRAMA RTV VOGOŠĆA ZA LOKALNE IZBORE 2024.GODINE

Predizborni program RTV Vogošća biće realizovan u periodu predizborne kampanje, od 06 septembra do 04. oktobra 2024, poštujući izbornu šutnju, koja počinje u subotu, 05. oktobra u 07:00 ujutro i traje do zatvaranja birališta, u nedjelju 06. oktobra do 19:00 sati. Izborni program biće realizovan kroz nekoliko segmenata:

- Neposredna obraćanja političkih subjekata u programu Televizije i u programu Radija
- Debatne emisije namijenjene kandidatima za načelnika općine Vogošća
- Predizborni program u okviru Informativnog programa JP RTV Vogošća
- Komercijalni predizborni program JP RTV Vogošća

### NEPOSREDNA OBRAĆANJA POLITIČKIH SUBJEKATA

Neposredna obraćanja političkih subjekata segment je Predizbornog programa u kojem će učešće bez naknade biti omogućeno svim političkim subjektima iz Vogošće. Shodno uputstvima Regulatorne agencije za komunikacije br: 05-29-7-966-1/24, od 28. 06. 2024. godine, u kojem se podsjeća na izmjene u članu 12. *Neposredno obraćanje* kojim se propisuje neposredno obraćanje za sve političke subjekte koji su registrovani u izornoj jedinici koja pripada administrativno-teritorijalnoj jedinici koja je osnivač javnog elektronskog medija, JP RTV Vogošća omogućit će obavezno neposredno obraćanje za političke subjekte registrovane na području administrativno-teritorijalne jedinice Vogošća.

Neposredna obraćanja za političke subjekte koji su prijavljeni za izbore za Općinsko vijeće Vogošća biće realizovana u dva kruga u trajanju od po pet (5) minuta.

Žrijeb za redoslijed emitovanja neposrednih obraćanja nije obavljan nego je preuzet redoslijed sa žrijebanja Centralne izborne komisije BiH.

Raspored prvog kruga emitovanja neposrednih obraćanja političkih subjekata:

#### PONEDJELJAK, 09. 09. 2024. GODINE U 20.00

03191 SNAGA NARODA  
03504 ZA NOVE GENERACIJE – PLATFORMA ZA PROGRES  
00090 STRANKA DEMOKRATSKE AKCIJE  
03038 NES BIH – NARODNI EVROPSKI SAVEZ BIH  
00008 SDP – SOCIJALDEMOKRATSKA PARTIJA BOSNE I HERCEGOVINE

**PETAK, 13. 09. 2024. U 20.00**

00004 STRANKA ZA BOSNU I HERCEGOVINU  
02317 NAROD I PRAVDA (NIP)  
00877 NAŠA STRANKA  
03212 NAPRIJED BIH!  
01698 DEMOKRATSKA FRONTA

Raspored drugog kruga emitovanja neposrednih obraćanja političkih subjekata:

**PONEDJELJAK, 23. 09. 2024. GODINE U 20.00**

03191 SNAGA NARODA  
03504 ZA NOVE GENERACIJE – PLATFORMA ZA PROGRES  
00090 STRANKA DEMOKRATSKE AKCIJE  
03038 NES BIH – NARODNI EVROPSKI SAVEZ BIH  
00008 SDP – SOCIJALDEMOKRATSKA PARTIJA BOSNE I HERCEGOVINE

**PETAK, 27. 09. 2024. GODINE U 20.00**

00004 STRANKA ZA BOSNU I HERCEGOVINU  
02317 NAROD I PRAVDA (NIP)  
00877 NAŠA STRANKA  
03212 NAPRIJED BIH!  
01698 DEMOKRATSKA FRONTA

Isti raspored neposrednih obraćanja primjenjivaće se i za program Radija Vogošća s tim što se u programu Radija neposredna obraćanja emituju u terminu 17:30.

Snimanja neposrednih obraćanja političkih subjekata biće obavljena prema rasporedu snimanja, u prostorijama Televizije Vogošća. Svaki od političkih subjekata imat će na raspolaganju termin od 30 minuta za snimanje svog neposrednog obraćanja. Nakon toga imaće priliku pogledati snimljeni materijal i samo u slučaju tehničkih grešaka pravo na ponavljanje snimanja.

Prilikom snimanja nije dozvoljeno postavljanje reklamnih materijala na zidove studija, niti ubacivanje prethodno snimljenih reklamnih poruka. Dozvoljeno je postavljanje zastavica i manjih reklama na sto ispred kandidata koji se obraća. U neposrednom obraćanju mogu učestvovati maksimalno tri (3) osobe.

Sva snimanja izvan ovih termina i izvan studijskih prostora RTV Vogošća, mogu se realizovati samo na komercijalnoj bazi prema važećem cjenovniku i u dogovoru sa menadžmentom naše kuće.

Političkim subjektima dozvoljeno je da za potrebe snimanja neposrednog obraćanja angažuju druge medijske kuće i nezavisne produkcije i da snimljeni i montirani materijal dostave za svoj termin emitovanja. Taj materijal mora zadovoljavati tehničke kriterije za emitovanje u programu RTV Vogošća i ne može sadržavati reklamne segmente – grafičke animacije, reklamne džinglove i sl. Isti mora biti dostavljen najkasnije 48 sati prije termina emitovanja radi pregledanja, kako bi se u slučaju da ne zadovoljava tehničke kriterije imalo dovoljno vremena da se ustanovljene greške isprave.

Dodijeljeni termin ne može iskoristiti niti jedan drugi politički subjekt osim onog kome je termin dodijeljen.

Politički subjekti mogu jedno neposredno obraćanje koristiti u oba termina.

RTV Vogošća zadržava pravo da zbog dužine programskih sadržaja koji prethode neposrednim predstavljanjima, pomjera početak emitovanja bloka neposrednih obraćanja, ne prije datog termina od 20:00. Također, ukoliko neko od predstavnika političkih subjekata ne iskoristi dodijeljeni termin, gledaoci će biti obavješteni o tome putem telopa u trajanju od 20 sekundi, a odmah nakon toga će ići neposredno obraćanje sljedećeg političkog subjekta, po rasporedu. Sva neposredna obraćanja emituju se u jednom bloku, bez prekida, uz špicu predizbornog programa između pojedinačnih obraćanja političkih subjekata.

Raspored termina snimanja neposrednih obraćanja političkih subjekata u prostorijama Televizije Vogošća, prvi krug:

#### **SUBOTA, 07. 09. 2024.**

12:30 – 13:00	SNAGA NARODA
13:00 – 13:30	ZA NOVE GENERACIJE – PLATFORMA ZA PROGRES
13:30 – 14:00	STRANKA DEMOKRATSKE AKCIJE
14:00 – 14:30	NES BIH – NARODNI EVROPSKI SAVEZ BIH
14:30 – 15:00	SDP – SOCIJALDEMOKRATSKA PARTIJA BOSNE I HERCEGOVINE
15:00 – 15:30	STRANKA ZA BOSNU I HERCEGOVINU
15:30 – 16:00	NAROD I PRAVDA (NIP)
16:00 – 16:30	NAŠA STRANKA
16:30 – 17:00	NAPRIJED BIH!
17:00 – 18:00	DEMOKRATSKA FRONTA

Raspored termina snimanja neposrednih obraćanja političkih subjekata u prostorijama Televizije Vogošća, drugi krug:

**SUBOTA, 14. 09. 2024.**

12:30 – 13:00	SNAGA NARODA
13:00 – 13:30	ZA NOVE GENERACIJE – PLATFORMA ZA PROGRES
13:30 – 14:00	STRANKA DEMOKRATSKE AKCIJE
14:00 – 14:30	NES BIH – NARODNI EVROPSKI SAVEZ BIH
14:30 – 15:00	SDP – SOCIJALDEMOKRATSKA PARTIJA BOSNE I HERCEGOVINE
15:00 – 15:30	STRANKA ZA BOSNU I HERCEGOVINU
15:30 – 16:00	NAROD I PRAVDA (NIP)
16:00 – 16:30	NAŠA STRANKA
16:30 – 17:00	NAPRIJED BIH!
17:00 – 18:00	DEMOKRATSKA FRONTA

Snimljena neposredna obraćanja emitovat će se i u radijskom programu, na dan TV emitovanja, u terminu od 17:30.

**PREDIZBORNI PROGRAM U OKVIRU INFORMATIVNOG PROGRAMA**

RTV Vogošća omogućava svakom političkom subjektu u izbornoj jedinici Vogošća prezentovanje predizbornih aktivnosti u okviru specijalizovanog bloka Informativnog programa. Ovaj blok se u radnim danima emituje u informativnoj emisiji „Vogošćanska hronika“ u terminima od 18:00, 22:30 i 02:00 u programu Televizije, odnosno u terminu od 18:30 u programu Radija. Subotom se blok emituje u posebnoj emisiji „Izbori 2024: Hronika“ u terminima od 17:30 i 22:30 u programu Televizije, odnosno u 17:00 sati u programu Radija. RTV Vogošća zadržava pravo da pomjera termin emitovanja specijalizovanog bloka u skladu sa dužinom trajanja programskih sadržaja, koji prethode Izbornoj emisiji.

U stranačkom bloku će se predstaviti pregled stranačkih aktivnosti tog dana i to: izvještaj sa konferencija za novinare, saopštenja i izvještaji sa masovnih okupljanja. Svi politički subjekti imat će obavezu da dan ranije, do 14.00 sati, u pismenoj formi najave jedan događaj, po njihovom izboru, koji će RTV Vogošća medijski pratiti, ili da se opredijele za saopćenje za javnost. U ovom segmentu politički subjekt za vijeće i kandidat tog političkog subjekta za mjesto načelnika tretiraju se kao jedno.

RTV Vogošća će u stranačkom bloku emitovati izvještaj sa konferencije za novinare, ili izvještaj sa masovnih okupljanja koji su se desili taj dan do 14.00 sati. Ukoliko se press-konferencija ili

skup održava nakon 14.00 sati, izvještaj će biti emitovan narednog dana. Prilog sa press-konferencije ili predizbornog skupa može biti u maksimalnom trajanju do 180 sekundi.

U cilju zaštite novinarskih sloboda i sprječavanja pritisaka na novinare, najstrože je zabranjeno da predstavnici političkih subjekata prisustvuju u prostorijama RTV Vogošća u vrijeme pripreme priloga, ili da isti pregledaju prije emitovanja. Ukoliko politički subjekti žele na bilo koji način utjecati na sadržaj koji će biti emitovan o održanoj press-konferenciji ili skupu, mogu se oglasiti saopštenjem koje će biti ilustrovano snimcima sa pomenutog događaja, bez snimanja i ubacivanja izjava učesnika.

Saopštenje za javnost koje se emituje u stranačkom bloku mora biti dostavljeno najdalje do 15.00 sati istog dana. Maksimalno trajanje saopštenja može biti 120 sekundi. Saopštenje će biti ilustrovano snimcima sa događaja o kojem se govori u saopštenju, ako je taj događaj snimljen. Ukoliko nije, saopštenje će biti ilustrovano telopom, na kojem će stajati grafički logo IZBORI 2024 i logo političkog subjekta. Politički subjekti dužni su da logo svoje stranke/partije dostave RTV Vogošća u grafičkom formatu JPEG, PNG ili BMP, kako bi se mogao izraditi telop. Ukoliko to ne učine, RTV Vogošća će umjesto logotipa političkog subjekta staviti samo njegov naziv.

RTV Vogošća stranačke skupove i press-konferencije snimat će za svoje potrebe, bez obaveza da skupove i press-konferencije snima u cjelosti. Politički subjekt može angažovati RTV Vogošća i za snimanje političkog skupa ili press-konferencije u cjelosti, ali se to onda ne odnosi na obaveze besplatnih usluga RTV Vogošća prema političkim subjektima u Izornoj kampanji, nego se smatra komercijalnom uslugom i obračunava se prema važećem Cjenovniku. Dogovor o komercijalnom snimanju političkog skupa ili press-konferencije, mora biti postignut prije s menadžmentom RTV Vogošća, kako bi se ustanovilo da li RTV Vogošća ima tehničke mogućnosti za obavljanje usluge u tom periodu. Politički subjekt za ilustraciju saopštenja može dostaviti i vlastite snimke. Isti moraju zadovoljavati tehničke kriterije za emitovanje u programu RTV Vogošća.

Politički subjekt u jednom danu može imati ili prilog sa događaja, ili saopćenje, nikako i jedno i drugo. U ovom segmentu politički subjekt za vijeće i kandidat tog političkog subjekta za mjesto načelnika, tretiraju se kao jedno.

Svi politički subjekti pozivaju se na fer i korektno ponašanje u predizbornoj kampanji. RTV Vogošća zadržava pravo da odbije emitovanje saopštenja za koje procijeni da izričito vrijeđa ostale političke subjekte ili da svojim sadržajem i tonom:

- prenosi jasan i neposredan rizik od poticanja etničke ili vjerske mržnje između zajednica u Bosni i Hercegovini, ili koje bi, na osnovu bilo čijeg razumnog suda, izazvao nasilje, nered i nemire, ili koje bi moglo poticati kriminal ili kriminalne radnje;
- prenosi jasan i neposredan rizik od uzrokovanja javne štete, pri čemu se takva javna šteta definiše kao smrt, povreda, šteta nanesena imovini, ili druga vrsta nasilja, ili skretanje policijske

aktivnosti i medicinskih usluga, ili aktivnosti drugih službi za održavanje javnog reda s njihovih uobičajenih dužnosti.

Tokom perioda predizborne kampanje u Izbornom bloku biće emitovan prvo blok priloga, a nakon toga blok saopćenja. Redoslijed emitovanja priloga određuju urednici emisija „Vogošćanska hronika“ i „Izbori 2024: Hronika“, prema njihovoj vlastitoj procjeni. Redoslijed emitovanja saopćenja političkih subjekata u Informativnom programu određen je redoslijedom prema žrijebu Centralne izborne komisije BiH:

03191 SNAGA NARODA  
03504 ZA NOVE GENERACIJE – PLATFORMA ZA PROGRES  
00090 STRANKA DEMOKRATSKE AKCIJE  
03038 NES BIH – NARODNI EVROPSKI SAVEZ BIH  
00008 SDP – SOCIJALDEMOKRATSKA PARTIJA BOSNE I HERCEGOVINE  
00004 STRANKA ZA BOSNU I HERCEGOVINU  
02317 NAROD I PRAVDA (NIP)  
00877 NAŠA STRANKA  
03212 NAPRIJED BIH!  
01698 DEMOKRATSKA FRONTA

RTV Vogošća će u svom Informativnom programu pratiti samo aktivnosti političkih subjekata na teritoriji općine Vogošća. RTV Vogošća će u skladu sa svojim tehničkim mogućnostima pokušati pratiti što veći broj predizbornih aktivnosti, na način da se ispoštuje načelo ravnopravnog i ravnomjernog predstavljanja svih političkih subjekata.

#### **DEBATNE EMISIJE (60 min.)**

Ukupno je planirano da se realizuje dvije (2) debatanne emisije namijenjene kandidatima za načelnika Općine Vogošća, u trajanju do 60 minuta.

Teme za realizaciju debatanne emisije su sljedeće:

- |                             |  |
|-----------------------------|--|
| 1. emitovanje 20. 09. petak | Teme: Kultura, sport, komunalna politika i urbanizam |
| 2. emitovanje 04. 10. petak | Teme: Privreda, zapošljavanje i otvorene teme        |

Debatne emisije u programu Televizije i u programu radija emituju se sa početkom od 20:00 sati.

Sve debatanne emisije biće snimane dan ranije od termina predviđenog za emitovanje u prostoru studija Televizije Vogošća:

1. emisija - četvrtak 19. 09. u 16:15
2. emisija - četvrtak 03.10. u 16:15

### **KOMERCIJALNI PREDIZBORNI PROGRAM**

RTV Vogošća će omogućiti političkim subjektima plaćeno političko oglašavanje u skladu sa pravilima Regulatorne agencije za komunikacije BiH, tj. 30 minuta sedmično po političkom subjektu. Komercijalni predizborni program realizuje se prema važećem cjenovniku marketinških usluga RTV Vogošća i u skladu sa pravilima i mogućnostima RTV Vogošća.

Određeni su posebni termini za plaćeno političko oglašavanje i u programu Televizije i u programu Radija.

#### **POLITIČKO PREDSTAVLJANJE I REKLAMIRANJE NA TV VOGOŠĆA ZA PERIOD PETAK 06.09.2024. – PETAK 04.10.2024.**

TABELARNI PREGLED RASPOLOŽIVIH TERMINA PREDVIĐENIH ZA PLAĆENO POLITIČKO PREDSTAVLJANJE (ZAKUPLJENI TERMIN) PO DANIMA U SEDMICI (SA CIJENOM)

	PON	UTO	SRI	ČET	PET	SUB	NED
17:10 – 17:20	150 KM	150 KM	150 KM	150 KM	150 KM	150 KM	150 KM
17:20 – 17:30	150 KM	150 KM	150 KM	150 KM	150 KM	150 KM	150 KM
21:05 – 21:15	250 KM	250 KM	250 KM	250 KM	250 KM	250 KM	250 KM
21:15 – 21:25	250 KM	250 KM	250 KM	250 KM	250 KM	250 KM	250 KM

Predviđene blokove u 21:05 i 21:15 neće biti moguće koristiti u petak 20. septembra i petak 04. oktobra 2024. godine (zbog debatne emisije).

#### **BLOKOVI ZA EMITOVANJE TV SPOTOVA POLITIČKIH SUBJEKATA (SA CIJENOM)**

	PON	UTO	SRI	ČET	PET	SUB	NED
15:50 – 16:00	1,00/SEC	1,00/SEC	1,00/SEC	1,00/SEC	1,00/SEC	1,00/SEC	1,00/SEC
17:00 – 17:10	1,50/SEC	1,50/SEC	1,50/SEC	1,50/SEC	1,50/SEC	1,50/SEC	1,50/SEC
19:00 – 19:10	2,50/SEC	2,50/SEC	2,50/SEC	2,50/SEC	2,50/SEC	2,50/SEC	2,50/SEC
21:00 – 21:05	1,50/SEC	1,50/SEC	1,50/SEC	1,50/SEC	1,50/SEC	1,50/SEC	1,50/SEC
21:55 – 22:00	1,50/SEC	1,50/SEC	1,50/SEC	1,50/SEC	1,50/SEC	1,50/SEC	1,50/SEC

Predviđeni blok u 21:00 neće biti moguće koristiti u petak 20. septembra i petak 04. oktobra 2024. godine (zbog debatne emisije).

Ponuđene cijene su bez uračunatog PDV-a. Za naručeno emitovanje spota u poziciji prvi ili zadnji u bloku cijena se uvećava za 25%.

**BLOKOVİ POLITIČKO PREDSTAVLJANJE I REKLAMIRANJE U PROGRAMU RADIJA VOGOŠĆA**

TERMIN	SATNICA	Emitovanje audio džingla	Oglas/saopćenje do 30 sec.
I blok	10:30	0,10/SEC	2,00 KM
II blok	12:30	0,10/SEC	2,00 KM
III blok	14:30	0,10/SEC	2,00 KM
IV blok	16:00	0,10/SEC	2,00 KM
V blok	17:00	0,10/SEC	2,00 KM
VI blok	20:30	0,10/SEC	2,00 KM

Predviđeni blok u 20:30 neće biti moguće koristiti u petak 20. septembra i petak 04. oktobra 2024. godine (zbog debatne emisije).

Ponuđene cijene su bez uračunatog PDV-a. Za naručeno emitovanje u poziciji prvi ili zadnji u bloku cijena se uvećava za 25%.

Politički subjekti mogu koristiti i ostale usluge RTV Vogošća koje nisu direktno vezane za program (iznajmljivanje kamere za snimanje, izrada džinglova i sl.) u dogovoru sa rukovodstvom RTV Vogošća i u skladu sa važećim cjenovnikom usluga RTV Vogošća.

Direktor RTV Vogošća



Edin Spahić